



2020

RELATÓRIO ANUAL



FUNDASAUN ALOLA

"Strong Women Strong Nation - Feto Forte Nasaun Forte"

VISAUN:

FETO NO LABARIK GOZA ESTATUTU HANESAN IHA ASPEITU MORIS HOTU-HOTU

(Prioridade, Asesu, Partisipasau, Papél iha Foti Desizaun, Goza Benefisiu Sira hosi Dezenvolvimentu) LIUHOSI DEDIKASAUN, EDUKASAUN, DEZENVOLVIMENTU EKONÓMIA, LIDERANSA FETO, SAUDE, HAKBIIT KOMUNIDADE NO DIALOGU BA POLITIKA PUBLIKU NIAN

MISAUN:

Atu Promove Feto Nia Direitu Sira no Hasa'e Feto Nia Kapasidade Lideransa,,
Atu Haforsa Feto nia Impreza K'iik iha Nível Rural,
Atu Hadi'a Estatutu Saúde Feto & Labarik nia, Hasa'e Asesu & Kualidade Edukasaun
ba Feto & Labarik, Atu Adopta Utilizasaun Tehnolojia Digital.

Igualdade Paz Demokrasia Naun Violensia Integridade Respeitu

Advokasia	Saúde Inan no Oan	Edukasaun	Hakbi'it Ekonómia	Jestaun
Promove Feto Nia Direitu Umanu	Hadi'a Feto No Labarik Nia Status Saúde	Hadi'a Kualidade No Asesu Ba Edukasaun	Haforsa Feto Nia Partisipasau Ekonómia.	Sistema Jestaun & Rekursu Umanu Ne'ebé Efetivu No Eficiente
<ul style="list-style-type: none"> Kampaña ba feto nia direitu Haforsa feto nia lideransa Haforsa rede servisu sira ho parseiru hotu Programa Suporta Municipiu atu haforsa feto iha area hotu. Asisti feto atu asesu ba informasaun no kompriénde sira nia direitu. 	<ul style="list-style-type: none"> Programa foka kona-bá redusaun IMR, MMR, MMBR no rásiu malnutrisaun labarik tinan 5 mai kraik. Promosaun susu-been eksklusivu no hahan komplementar (liu-husi grupu baze-komunidade sira iha nível suku). Hakbi'it grupu baze-komunidade sira atu suporta saúde inan no oan iha nível suku. Suporta Ministériu Saúde (MS) hodi implementa Programa Nutrisaun no Saúde Inan no Oan. Kolaborasaun programa ho parseiru internasional no governu iha nível nasional no munisipal. 	<ul style="list-style-type: none"> Promove importânsia husi edukasaun no involvimento komunidade tomak. Fornese treinamentu atu hadi'a profesor sira nia abilidade hanorin. Dezenvolvimentu rekursu iha Tetun no Portugéz uza rekursu/materiar lokál. Servisu kolabora ho Ministériu Edukasaun no organizaasaun edukasaun sira atu dezenvolve programa edukasaun olístiku. Habelar oportunidade ba kontinuasaun edukasaun. 	<ul style="list-style-type: none"> Hadi'a feto nia status iha impreza. Hasa'e oportunidade ba rendimentu. Promove independénsia ekonómia ba feto. 	<ul style="list-style-type: none"> Estabelese sistema ne'ebé responsivu hosi programa jestaun no avaliaasaun. Asegura jestaun finansiál ne'ebé transparénsia no akuntabilidade. Asegura kualidade facilidade husi jestaun no prosesu. Manténe alokasaun orsa-mentu ba programa iha futuru. Avaliasaun dezempeña no haktui ho funzionáriu nia dezenvolvi-mentu profisional. Sistema rekursu umanu ne'ebé forti. Kontinua atu promove servisu fatin ne'ebé amizável ba família sira.

LIA-MENON HUSI PREZIDENTE KONSELLU FUNDASAUN ALOLA

Dr. Kirsty Sword Gusmão, AO

Ha'u-nia saudasões ba família Fundasaun Alola tomak – funzionáriu, membru Konsellu, parseiru no belun sira hotu mak ha'u respeita.

Iha tinan 2020 ha'u la konsege halo vizita ba Timor-Leste hamutuk ho ha'u-nia família tanba surto Covid-19 ne'ebé provoka terus boot iha mundu tomak. Ba ha'u pessoalmente realidade ida-ne'e susar tebes tanba baibain ha'u ho ha'u-nia oan mane na'in-tolu vizita ami-nia “patria” daruak iha tinan ida dala rua ka tolu. Ha'u sente lakon boot ida tanba la bele pasa tempu ho kolega sira iha Fundasaun Alola no halo vizita ba komúnidade sira ne'ebé sai alvu ba Alola nia programa sira. Maski nune'e ha'u agradese tanba iha mundu modernu ne'e, teknolojia eziste hodi hakotu distânsia ne'ebé haketak ita.

Ha'u louva



governu Timor-Leste nia esforsu hodi kontrola Covid-19 no evita ema barak bele moras todan no mate. Iha prazu badak tebes, governu konsege harii facilidade karantina no mós lansa kampaña edukasaun iha nasaun tomak kona-ba prevensaun Covid-19. Bainhira eskola sira taka, Ministériu Edukasaun reaje lalais hodi estabelese sistema aprendizajen “online” ba estudante sira.



Fundasaun Alola mós hatudu nia kapasidade atu adapta lalais ba situasaun krize liuhosi mobiliza funzionáriu no komúnidade tarjetu sira hodi prepara no habelar informasaun kona-ba Covid iha lian lokál sira no fahe assisténsia umanitáriu ba komúnidade sira ne'ebé afeta liu husi impozisaun serka sanitária no medida prevensaun nesesáriu sira seluk.

Iha mundu tomak pandémia Covid-19 fó impaktu boot liu ba feto maluk sira-nia vida moris (livelihoods) no desigualdade ekónomiku no sosiál sira aumenta boot. OXFAM no organizasaun seluk tan nia peskiza hatudu katak agora daudaun ne'e primeira vez iha mundu

desigualdade aumenta iha NASAUN hotu-hotu iha tempu hanesan. Fundasaun Alola nia vizaun ne'ebé define iha Planu Estratéjiku tinan 2020-2024 maka atu garante igualdade ba feto maluk sira iha aspetu hotu-hotu iha sira-nia moris loroloron nian, hahú husi asesu ba edukasaun to'o partisipasaun iha vida política no ekonómiku NASAUN nian. Nune'e servisu FA nian iha futuru badak mai sei sai importante liután hodi asegura katak NASAUN, no liului feto maluk sira, bele rekupera lalais husi pandémia nia konsekuénsiaaat liu.

Ezemplu ida husi Alola nia resposta ba dezafiu sira ne'ebé feto maluk enfrenta iha área Ekonómia uma-laran maka kolaborasaun ho Fundasaun Grameen (EUA) ba projetu ida ne'ebé integra apoiu mikro finansa, legál, mitigasaun risku ba violénsia bazeia ba jéneru (VBJ) no formasaun iha dezenvolvimentu produtu no kapasidade jere negósiu. Ha'u orgullu tebes tanba Fundasaun Grameen hili Alola atu koordena projetu importate ne'e naran BEST.

Ba kolega no parseiru sira hotu, hamutuk ho funzionáriu no membru Konsellu, ha'u hato'o ha'u-nia obrigada wain ba imi-nia kometimentu no servisu maka'as hodi realiza Fundasaun Alola nia vizaun iha tinan susar ida-ne'e.

Saúde di'ak ba imi hotu,



Manu Kirsty Sword Gusmão



LIA MENON DIRETÓRA EZEKUTIVA

Maria Imaculada Guterres

Estimados Doadores, Parseirus no Kolega sira hotu,

Relaciona ho surtu Covid-19, Iha fulan Marsu tinan 2020 Estado Timor-Leste hahú deklara Estadu Emerjénsia no konfinamentu obrigatóriu ba iha munisípiu Dili ho munisípiu Bobonaro no Covalima. Situasaun ida ne'e difikulta movimentu no atividade Fundasaun Alola nian atu bele trasa tuir planu ne'ebé mak iha no eziye mudansa planu servisu atu bele responde mós ba prevensaun no transmisau surtu Covid-19 ne'e. Maske nune'e sentimento ameasadu hasoru virus Covid-19 la hamate kometimentu funzionáriu Fundasaun Alola ninian hodi kontinua buka meius atu bele apoiu nafatin grupu tarjetu sira, liuliu feto no labarik liu husi programa saúde inan no oan, Advokasia, Edukasaun no Hakbi'it Ekónomia. Tinan 2020 sai mós nu'udar tinan dahuluk husi implementasaun ami nia Planu Estratejia 2020-2024 nian ne'ebé mak guia ami atu servi ho di'ak liu tan ba moris di'ak feto no labarik iha NASAUN DOBEN IDA NE'E. Tanba ne'e, ho laran kontente


Fundasaun Alola 2020 nian inklui relatório narativu no finanseiru ne'ebé fundasaun ida ne'e nian liu husi área haat tuir mai

- Atu redus malnutrisaun, iha tinan 2020 Programa UNICEF hahu projeitu Planu Asaun Komúnidade integra ba iha programa Grupu Suporta Inan (GSI) ne'e mak atu bele hadi'ak saniamentu uma-kain arbitru hodi redús diariea no moras sira seluk, kolaborasaun Ministerio da Saúde no Instituto kapasitasaun ba Pesoál saude hamutuk 37 Administrativu 6 iha Dili. Aleinde ne'e iha habelar tan programa SHIO ba iha suco no Likisá (2). Iha parte seluk, HALIKU feto mós fó kapasitasaun ba Ospitál Nasionál Dili kona-

ha'u hakarak apresenta relatório anual mak deskreve resultadu susesu sira husi ne'e:

saúde Inan no Oan ho apoiu husi ba Saniamentu no Ijene (PAKSI) ne'ebe iha munisípiu Dili. Objetivu husi projeitu sira nian atu atinji área la soe fo'er boot Projeitu ida ne'e realiza ho Nasionál de Saúde hodi fó husi suco 36 husi Postu tinan ida ne'e, programa ne'e 3 mak iha munisípiu Aileu (1) – programa apoiu ba kankru fizioterapista nain 5 iha ba manajementu linfedema, nune'e mós kontinua hasa'e konsiensiencia ba grupu alvu sira kona-ba detesaun sedu no tratamentu ba moras kankru feto inklui fó apoiu no halo referál ba pasiente moras kankru feto.





⊕ Atu hasa'e asesu no kualidade edukasaun iha Timor-Leste, Programa Edukasaun liu husi nia sub programa bolsa estudu iha tinan 2020 fó ona apoiu ba total estudante hamutuk 221 husi nível eskola primaria to'o universidade. Iha parte seluk, sub programa Formasaun Profesores husi projeitu Apoiu Literasía Intensivu nebe implementa iha munisípiu Lautem nu'udar parte ida husi programa ALMA (Apoiu Lideransa liu husi Mentória no Aprendizajen) kontinua apoiu manorin literasía Tetun klase 1 no 2 husi ensinu baziku primeiru siklu nian. Aleinde ne'e, projeitu Biblioteka Movél halo mós vizita ba komúnidade iha Dili ho total labarik hamutuk 815 no estabelese sentru lee iha komúnidade hamutuk 12 iha munisípiu Manatuto ho total labarik hamutuk 1,383 mak rejistradu iha sentru refere. Nune'e mós iha tinan ida ne'e, sub programa Pre-Eskolar Komunitaria rejista tan estudante labarik hamutuk 3,251 husi total Pre-Eskolar Komunitaria 104 iha munisípiu Ermera no Viqueque.

⊕ Atu haforsa partisipasaun feto iha vida ekónómia, iha tinan 2020, Fundasaun Alola liu husi ninia Programa Hakbi'it Ekonómia Feto, iha tinan ida ne'e foka liu ba impaktu másimu ba atividade integrasaun, dezenvolvimentu artezanatu, no prezervasaun patrimóniu kulturál. Nu'udar rezultadu, iha tinan ida ne'e Fundasaun Alola sai nudar kordenadora ba iha Projetu negósiu no apoiu sosiál ba emprezáriu feto sira iha Timor-Leste (BEST) ne'ebé mak apoiu husi Fundasaun Grameen (EUA). Projetu ne'e integra feto sira-nia atividade hakbiit Ekonómia ho mitigasaun risku ba violénsia bazeia ba jéneru. Projetu ne'e envolve ONG sira seluk ne'ebé servisu iha área hakbiit Ekonómia feto nian, instituisaun mikrofinansa sira (IMF) nomós servisu apoiu legál no seluk tan. Aleinde ne'e, iha fulan Dezembru 2020, programa ne'e realiza mós Feira Natal loron rua hodi fornese oportunidade merkadu ba iha grupu artezenatu sira atu fa'an sira nia produtu. Total rendimentu ne'ebé grupu sira hetan iha tinan ne'e hamutuk valór USD 6,426.00.

⊕ Atu promove direitu feto no haforsa lideransa feto, iha tinan 2020, Fundasaun Alola liu husi ninia Programa Advocacia ho apoiu husi WAVE/IWDA lansa relatório peskiza foun rua kona-ba feto nia lideransa ho titulu: Persepsaun Públiku kona-ba Lideransa Feto iha Timor-Leste no Jornada Partisipasaun Feto iha Lideransa. Aleinde ne'e, programa ne'e apoia mós vítima violénsia bazeia ba jéneru hamutuk 70 hodi asesu ba justisa legál, uma-mahon, inklui fornese akonselamentu no oferece pakote umanitária. Iha sorin seluk, programa ne'e kontinua realiza diálogu entre kandidatura feto no Grupo Mulheres Parlamentaria Timor-Leste (GMPTL) iha Munisípiu Ainaro. Aumenta tan, ekipa programa ne'e fahe no habelar mós informasaun kona-ba prevensaun COVID-19 iha radio komúnidade sira iha munisípiu sira uza lian lokál

nomós fó asistensia umanitária ba uma-kain tarjetu hamutuk 240 iha munisípiu 12 liu husi fahe sasan nesesidade baziku ba sira.

Detallu liu kona-ba susesu sira ne'ebé mak hetan ona durante tinan ne'e sei apresenta iha relatório ida ida ne'e nia laran. Ami hatene katak progresu hirak ne'e sei la posivel sekarik lahó apoiu husi ami nia doadóres, parseru/stakeholder no kolega sira hotu ne'ebé mak kontinua apoiu ami nia servisu durante tempu difisil ida ne'e.

Ikus liu, ha'u hakarak hato'o ha'u nia apresiasaun no gratidaun ba ema hotu ne'ebé mak apoiu ona ami durante implementasaun ami nia misaun ne'e. Ha'u mós hakarak atu hato'o ha'u nia agradesementu ba iha membru Konsellu sira, espesialmente ba Sr. Silverio Pinto Baptista no Sra. Misliza Vital ne'ebé mak remata ona nia knar nudar membru konsellu Fundasaun Alola iha fulan Outubru 2020. Ha'u nia agradesementu wain no apresiasaun tomak ba mana Kirsty Sword Gusmão ba iha apoiu no korajen tomak mai ha'u durante tinan 2020 nu'udar tinan dahuluk mai ha'u hodi hala'o knar hanesan CEO. La haluha mós ha'u hato'o agradesementu wain liu tan ba iha Jerente Programa sira hotu no funzionariu tomak Fundasaun Alola nian ne'ebé mak durante ne'e servisu hamutuk hodi fó liman ba malu atu bele atinji ita nia meta no objetivu sira.

“Hamutuk ita forte”. “Feto Forte, Nasaun Forte”.

Ho neon,

(Maria Imaculada Guterres)
CEO Fundasaun Alola





PROGRAMA SAÚDE INAN NO OAN

Situasaun nutrisaun ba labarik tinan lima mai kraik hanesan dezafiu boot ba saúde pública iha Timor-Leste. Tuir rezultadu ikus husi Levantamento Aihan no Nutrisaun Timor-Leste nian iha 2020, besik metade husi labarik Timor oan ho idade tinan lima mai kraik (47.1%) hetan ra'es badak (badak liu ba nia otas), 8.6 % ra'es (krekas liu sira-nia altura) no 32.1% husi sira-nia todan menus (iha kombinasaun husi ra'es badak no krekas). Maski ho preokupasaun boot ida ne'e, iha ona mudansa positivu dezde 2013, ne'ebé rejista número hamutuk 50.2%, 11% no 37.7% respetivamente.

Maski nunee, numero taxa fó-susubeen inan ba bebé tun no iha tempu hanesan, Timor-Leste hasoru esperensia promosaun ba produtu substitui susubeen inan nian ne'ebé hahu disponivel no aumenta iha Timor-Leste. Persentajen husi bebé ho idade fulan 6 mai kraik ne'ebé la hetan inan nia susubeen sa'e husi 2% ba 7%, no persentajen husi bebé ne'ebé fó bibiron sa'e husi 7% ba 18% (TLDHS 2015-201610).

Programa Saúde Inan no Oan (SIO) responde ba dezafiu hirak. Iha tinan 2020, dezafiu sira inklui ameasa ba pandemia COVID 19, impaktu husi konfinamento obrigatorio no iha mós projetu foun ida hodi hadi'a saneamentu iha Dili atu hakotu ligasaun entre saneamentu ne'ebé la di'ak, diareia, no malnutrisaun. Iha tempu hanesan kontinua mobiliza voluntario lokál sira mak hanesan Grupo Suporta Inan (GSI) no Suku Hadomi Inan no Oan (SHIO) hodi promove saúde inan no oan. Nune'e mós, sub programa Hau Hili Atu Kura (HALIKU) kontinua hasa'e komunidade nia koñesimentu kona-ba importânsia husi detesaun sedu ba moras kankru susun no serviks inklui halo referál ba pasiente sira.

PREVENSAUN COVID-19

Ameasa husi COVID-19 ne'ebé mosu dahuluk iha Timor-Leste akontese iha fulan Marsu 2020 bainhira ema ida ne'ebé hela iha munisípiu Likisá halo viajen ba Portugál no bainhira to'o iha ne'eba ninia rezultadu teste hatudu pozitivu COVID-19. Ekipa Saúde Inan no Oan (SIO) hahú kedas atividade prevensaun COVID-19 iha Likisá ho koordenasaun ho Servisu Saúde Munisípiu nian. Ekipa SIO fornese máscara no sabauaun fase liman nian ba komunidade sira iha suku rurál hamutuk 15 no uma-kain 2,965 mak asesu ba material hirak nee. Iha parte seluk ekipa SIO mós entrega no instala tanke bee nian iha Sentru Saúde Likisá Villa no Maubara. Iha fulan Maiu no Juňu, ekipa fornese materiál edukasaun ba prevensaun COVID-19 ba membru SHIO hamutuk 60 (F: 36, M: 24) hodi distribui ba komunidade, no instala fasilitade fase-liman nian hamutuk 2,868 iha suco hitu nia laran. Iha parte seluk, membro SHIO hamutuk 140 iha munisípiu Aileu mós halo distribuisaun material COVID-19 ba komunidade sira durante visita uma-kain..



REDUS MALNUTRISAUN LIU HUSI HADI'AK SANEAMENTU UMA-KAIN NO FO SUSUBEEN INAN BABEBÉ



Diarea hanesan kauza boot ba malnutrisaun no mate ba labarik tinan 5 mai kraik. Labarik sira iha uma-kain mak la asesu ba sintina no fasilitade fase liman iha risku aas ba ra'es badak (TLFNS 2013). Iha tinan 2020, ho apoiu husi UNICEF, ekipa SIO hahú projetu ida hanaran Planu Asaun Komunidade ba Saniamentu no Ijene (PAKSI). PAKSI nu'udar abordazen importante ida atu hadi'ak saúde no nutrisaun liu husi asegura komunidade sira livre husi soe foer boot arbiru hodi hamenus diarea no moras sira seluk. Projeto ne'e integra diretamente ba iha programa Grupu Suporta Inan (GSI) no foku iha munisípiu Dili ho objetivu atu hadi'ak saneamento uma-kain sira iha Dili. Grupu Suporta Inan (GSI) importante atu muda atitude ba saneamento no ijiene, no atu suporta nutrisaun inklui fó-susubeen inan ba bebé tanba susubeen inan nian fornese protesaun ne'ebé

Di'ak liu ba bebé no labarik hodi kontra moras diareia no malnutrisaun, Projetu ne'e kolabora ho Ministériu Saúde no autoridade lokál sira hodi asegura komunidade lokál ida-idak harii ka hadi'ak fasilitade fase liman no sintina uma-kain sira nian, no halo koneksaun sintina ba posu sintina nian. Projetu ne'e hala'o pasu pur pasu iha aldeia ida-idak, suku no postu administrativu. Projetu ida ne'e sei suporta Governu Timor-Leste nia Planu Asaun Komunidade ba Saneamentu no Ijiene iha munisípiu Dili hodi alkansa Área La Soe Foer Boot Arbiru (ALFA) tamba tuir dadus sensu uma-kain 2015 hatudu katak 7% husi populasaun sira iha Dili mak seidauk iha sintina.

FORMASAUN BA PESOÁL SAÚDE NO GSI



Ekipa SIO servisu hamutuk ho Instituto Nasional Saúde hodi organiza formasaun loron 4 atu hasa'e koñesimentu funzionáriu saúde sira-nian kona-ba planu saneamentu governu nian, papél GSI nian, no oinsá fahe mensajen xave importante saúde nian ba komunidade sira. Reprezentante husi Servisu Saúde 37 iha munisípiu Dili inklui médiku, parteira, enfermeira, nutrisaun, no edukadór promosaun saúde ne'ebé atende treinamento nee.

Iha 2020, ekipa SIO reativa no fó fila fali formasaun ba GSI atu bele funtiona ho di'ak. Alola inisia GSI iha Dili iha tinan 2016 to'o tinan 2018 maibé depois de tempu ne'e, iha grupu balu mak komesa la ativu. Nune'e hafoin atividade foun SIO ne'e estabelese iha Dili iha tinan 2020, rejista ona membru GSI ativu hamutuk 540 husi grupu GSI iha suco 36 mak iha Dili. Sira-nia prezensa no kobertura atividade sira reforsa liu tan mensajen saúde sira ne'ebé fornese husi pesoál saúde sira. Pesoál saúde sira mós iha planu asaun ida ba apoiu kontínuasaun ba GSI sira iha Dili.

HASAE KOMUNIDADE NIA KOÑESIMENTU KONA-BA IJIENE

Atividade celebraisaun Loron Mundiál Fase Liman (iha fulan Outubru) hala'o iha komunidade nia leet hodi hasa'e komunidade nia konxiénsia kona-ba importânsia ba fase liman. Maske ida ne'e konsidera asaun ki'ik ida maibé iha impaktu boot ba saúde tanba sei bele prevene moras oioin inklui diareia no malnutrisaun. Atividade ne'e hala'o iha suku hotu-hotu iha munisípiu Dili ho partisipantes hamutuk 1,279 (F: 982, M: 297). Alende ne'e, atividade Loron Mundiál ba Sintina (iha fulan Novemburu) aumenta konxiénsia komunidade nian katak sintina proteje ami husi moras no fó dignidade. Atividade ne'e mós hasae koñesimentu katak karik



família ida la harii sintina, ida-ne'e laós afeita de'it família nia preokupasaun maibé afeta mós ba ambiente sira ne'ebé hale'u sira. Total ema nain 1,465 (F: 1,025, M: 440) mak partisipa iha atividade sira-ne'e. iha sorin seluk, fahe mós informasaun kona-ba oinsá fase liman ho di'ak no importânsia hosi ijiene pesoál no fase liman ba iha eskola primária 6 iha Dili ho total labarik ne'ebé partisipa hamutuk 292 (F: 161, M: 131).



SUPPORTA BEBÉ FOIN MORIS: PROMOVE FÓ SUSUBEEN INAN BABEBÉ

Atividade ida ne'e promove fó inan nia susubeen esklusivu no atu minimiza problema relacionadu ho fó susu ba bebé atu nune'e inan sira bele kontinua fó-susubeen-inan ba sira nia bebé. Alola kontinua aponta Ofisiál Ligasaun Ospítál iha Ospítál Nasionál Dili no ospitál referál tolu iha Baucau, Maubisse no RAEOA (Oecusse). Ofisiál Ligasaun Ospítál iha papél importante atu apoiu inisiasaun sedu fó-susubeen-inan ba bebé no asiste feto sira ne'ebé iha problema ho fó susubeen-inan ba bebé. Sira mós fornese intervensaun sedu ba bebé ne'ebé mak moris prematuru no ho todan menus, liu husi edukasaun ba inan sira kona-ba oinsa fó hemu susubeen inan nian ho kaneka no importânsia husi kuidadu kangaroo (kontaktu kulit ho kulit entre inan no nia bebé).

Iha parte seluk, ho apoiu husi UNICEF, Lidun Fó- Susu Inan Nia Susubeen ba Bebé (Breast Feeding Café) iha Ospítál Nasionál Dili kontinua hala'o husi Fundasaun Alola nia parteira sira. Iha fatin refere parteira sira ajuda ona inan depois de partu hamutuk 1,194, no suporta kontaktu kulit ba kulit ba bebé hamutuk 265, no eduka inan sira kona-ba pozisaun fó-susu ba bebé ne'ebé mak di'ak nomós akonsella no ajuda inan hamutuk nain 26 ba iha tratamentu susun ne'ebé ho mastitis.

Fatin Halimar Ba Labarik Iha Ospítál Regional Eduardo Ximenes, Baucau

Durante tinan 2020, Fundasaun Alola kontinua haforsa nia atividade animasaun ba labarik sira ne'ebé mak mai baixa iha Ospítál Regional Eduardo Ximenes Baucau liu husi fatin halimar ba labarik ne'ebé mak estabelese ona. Iha fatin halimar ne'e Ofisiál Fundasaun Alola nian fornese sasan halimar no atividade ne'ebé appropriadu tuir idade labarik nian. Total labarik hamutuk 535 mak asesu ba fatin halimar ne'e no iha tempu hanesan ekipa fahe mós informasaun saúde ba familia sira kona-ba nutrisaun ne'ebé optimu ba sira nia oan.

HASA'EASESU BAIHA PARTU SEGURU: INISIATIVA PAKOTE MATERNIDADE



Fundasaun Alola ninia Pakote Maternidade fornese roupa ba bebé no nesesidade sira seluk ba inan sira ne'ebé foin partus. Liu husi fornelementu nesesidade fundamental hirak ne'e ba inan sira sai hanesan insertivu ida atu hasa'e numeru partu iha fasilitade saúde. Durante tinan 2020, total pakote hamutuk 542 mak fahe ona liu husi fasilitade saúde iha Aileu, Likisá no ospitál sira iha, Baucau no Maubisse.

ROLE MODELS/EXEMPLU DI'AK: HABELAR GRUPU GSI/SHIO BAIHA SUCO FOUN

Ekipa Saúde Inan no Oan (SIO) habelar GSI rurál no SHIO ba suku foun 2 iha munisípiu Liquiça no suku foun ida iha munisípiu Aileu. Ekipa ne'e mós kontinua fó apoiu ba grupu GSI/SHIO sira ne'ebé mak eziste iha munisípiu Likisá, Baucau, Dili, Aileu no Manufahi. Totál grupu GSI/SHIO hamutuk 33 mak fornese ona atividade hodi hasa'e konxiénsia no suporta fó hahan ba bebé no labarik ki'ik sira no maternidade seguru báziku iha sira nia suku.

ATIVIDADE PAKOTE PROMOSAUN SAÚDE

Iha tinan ida nee, Pakote Promosaun Saúde ne'ebé lidera husi Membru GSI/SHIO sira iha area rurál inklui fó ona akonsellamentu ba inan isin-rua hamutuk 3,829 no inan fó-susu hamutuk na'in 2,744. Iha sorin seluk, GSI iha Dili fornese mós akonsellamentu ba inan isin-rua hamutuk 1,024 no inan fó-susu nain 1,254 liu husi Sentru Saúde Komunitária, Postu Saúde no Klínika Movel. Nu'udar parte ida husi pakote promosaun saúde nian, GSI sira iha Dili no GSI/SHIO iha area rurál hala'o mós atividade diskusaun komunidade iha suku 59 ho total partisipante hamutuk nain 6,342. Nune'e mós atividade demonstrasaun tein ai-han lokál no loke filmajen kona-ba maternidade seguru iha munisípiu Liquiça no Aileu ne'ebé lidera husi GSI/SHIO sira kobre ona total ema hamutuk na'in 11,778. Aumenta tan, Selebrasaun Semana Mundial Fó-susubeen Inan ba Bebé hala'o iha suku 58 iha munisípiu 3 no partisipa husi



membru komunidade hamutuk 4,234. Alende ne'e, kolokiu loron sorin kona-ba saúde reproduttiva no sexual hala'o ba parente sira iha munisípiu Likisá no partisipa husi total ema hamutuk 129.

KOLOKÍU BADAK BA INAN-AMAN SIRA KONA-BASAUDE INAN NO OAN

Kolokiu ne'e aumenta koñesimentu Inan no aman sira nian kona-ba saúde reproduttiva, planeamentu familiár, partus seguru, no nutrisaun di'ak ba inan no oan sira inklui fó-susubeen inan ba bebé. Partisipante sira entuziazmu tebes iha diskusaun kona-ba informasaun importante sira hodi apoia inan isin-rua no inan ne'ebé fó susu, no labarik sira. Kolokiu ne'e hala'o iha suku 7 ba partisipante hamutuk 480 (F: 244, M: 236).

ENVOLVIMENTU MANE

FORMASAUN BA MANE SIRA:

Ema hamutuk 152 mak partisipa iha formasaun ba mane sira kona-ba importânsia nutrisaun iha família. Aman sira hotu nune'e mós o inan sira presiza hatene informasaun kona-ba nutrisaun di'ak, atu nune'e sira bele suporta malu hodi fornesei ai-han nutritivu ba sira nia oan nia dezenvolvimentu.

DISKUSAUN AMAN

Diskusaun ida ne'e ho objetivu atu hasa'e aman sira nia koñesimentu no sira nia kompriensaun hodi envolve masimu iha sira nia família nia saúde. Ne'e sei aumenta aman sira sira nia koñesimentu kona-ba kondisaun inan wainhira sira isin rua, partus no fó-susu ba oan. Liu husi diskusaun ne'e, aman sira fahe mós sira nia esperiênsia kona-ba oinsá sira suporta sira nia kaben no oan sira. Total aman sira hamutuk 367 mak partisipa iha diskusaun iha tinan ida nee.



HASA'E JOVEN SIRA NIA KOÑESIMENTU KONA-BA SAÚDE

FORMASAUN BA PEER EDUKADÓR SIRA IHA SUKU

Iha Setembru, ekipa SIO koordena ho Serbisu Saúde Munisípiu Likisá hodi fornese formasaun kona-ba saúde seksuál no saúde reprodutiva ba joven sira. Ne'e nu'udar faze datoluk ba peer edukadór sira ne'ebé hetan formasaun dahuluk iha tinan 2018. Formasaun ne'e nee fasilita husi médiку ida husi postu saúde ho objetivu atu hasa'e koñesimentu peer edukadór sira nian kona-ba saúde reprodutiva no sexual atu nune'e sira bele fahe sira-nia abilidade ho joven sira seluk iha sira-nia suku laran. Partisipante hamutuk 36 (F:21, M: 15) mak atende husi suku 8.

SESAUN FAHE INFORMASAUN NO ESPERIÉNSIA BA KOLEGA JOVEN SIRA

Peer Edukadór sira iha munisípiu Likisá hala'o sesaun partilla informasaun ba kolega ho kolega hodi hasa'e koñesimentu kona-ba saúde reprodutiva. Total joven na'in 461 mak atende (ema foun 149 no partisipante tuan na'in 312) sesaun ne'e. Husi komentáriu sira ne'ebé rezulta husi sesaun ne'e indika katak partisipante sira kontente tebes tanba bele hetan informasaun kona-ba saúde reprodutiva hodi hatene sira nia isin-lolon, oinsá moras bele transmite, no risku husi isin-rua sedu ba joven feto sira liu-liu risku ba inan no bebé. Aleinde ne'e, ekipa SIO fahe mós material edukasaun nian ba sira ne'e nune'e juventude no membru SHIO sira bele fahe informasaun ne'e ho sira nia komunidade.

ATINJIMENTU HUSI PROGRAMA KANKRU FETO

Durante tinan 2020, sub programa HALIKU "Hau Hili Atu Kura", suporta pasiente sira nomós halao kolokú hodi hasa'e konxiensia kona-ba kankru susun no kankru serviks iha komunidade. HALIKU kolabora ho Ministériu Saúde liu husi Komisaun Nasional Kankru Susun ne'ebé mak baze iha Ospitál Nasional Dili. Iha fulan Janeiru, HALIKU organiza especialista Lymphedema (Jill Griffiths husi Austrália) hodi fó treinamentu loron rua kona-ba manajementu linfedema nian ba profisionál saúde fisioterapista nain lima iha Ospitál Nasional Dili. Jill mós fahe nia matenek noabilidade kona-ba suku no prodús manga de compresaun ba iha pesoál Sentru Produsaun Alola Esperansa nian atu bele tulun hodi prevene linfedema ba iha feto sira ne'ebé ho kankru susun wainhira presiza.





Atu kontinua desiminasau informasaun kona-ba kankru feto ba iha komunidade, HALIKU hamutuk ho Komisaun Kankru Susun Nasionál fornese kolokíu badak ba iha estudante universitáriu no grupu joven sira hodi hasa'e sira nia koñesimentu kona-ba kankru susun no serviks, simtomas no ninia fatór risku sira, prevensaun inklui hatudu filmajen kankru nian ba sira. Iha parte seluk, reprezentante husi Komisaun Nasionál Kankru Susun fornese informasaun kona-ba tratamentu kankru susun nian (operaun, radioterapia, kemoterapia no terapia hormonal). Atividade ne'e partisipa husi estudante hamutuk nain 93 (F: 62 no M: 31).

Aumenta tan, iha tinan ida ne'e ekipa halo mós kolokíu badak ba Eskola Sekundáriu hamutuk 5 iha munisípiu Likisá, 1 iha munisípiu Viqueque no 1 iha munisípiu Aileu. Alende ne'e HALIKU realiza mós eventu Pink October nu'udar fulan atu hodi hasa'e konxiénsia kona-ba kankru susun ne'ebé mak hala'o iha Sala Leitura Xanana Gusmão iha Dili, Asosiasaun Rede Feto, membro igreja AGAPE nomós ba iha Eskola Sekundáriu 4 mak iha munisípiu Baucau. Nune'e mós iha Loron Internasional Feto nian, ekipa ne'e selebra hamutuk ho prizoneiru feto sira iha Gleno, munisípiu Ermera, hodi hasa'e konxiénsia kona-ba kankru susun no kankru serviks, prevensaun kankru susun, detesaun sedu ba iha sintoma ka sinál sira kona-ba kankru susun nian no oinsá atu bele hetan tratamentu.



Aumenta tan, HALIKU mantein nia papél atu hasa'e konxiénsia joven sira nian kona-ba nutrisaun, saúde reprodutivo no kankru feto ba iha suku rua iha munisípiu Aileu ne'ebé partisipa husi ema hamutuk 30 (F: 14, M: 16).

Durante tinan 2020, ekipa HALIKU refere ona paciente kankru feto hamutuk 29 ba Ospitál Nasionál Dili, inklui visita no akompanha hodi fornese suporta diretamente ba feto sira ne'ebé sofre kankru hamutuk 38.





PROGRAMA EDUKASAUN

Sumáriu Programa Edukasaun iha Tinan 2020,

Objetivu husi programa edukasaun nian mak atu hasa'e asesu no kualidade edukasaun iha Timor-Leste. Programa Edukasaun Fundasaun Alola nian mak atu apoiu manorin, kanorin, labarik no komunidade sira hodi asesu no hetan abilidade no koñesimentu hodi alkansa sira nia meta pesoál. Relatório anuál ida ne'eobre Fundasaun Alola nia projeto edukasaun 4 ninia susesu implementasaun durante tinan 2020.

Projetu 4 programa Edukasaun Alola nian mak: Bolsa-Estudu Railaran, Formasaun Profesóres, Biblioteka Movél no Pré-eskolár Komunitária.

Durante tinan ida ne'e, Programa Edukasaun kontinua serbisu ho parseiru xave Ministériu Edukasaun, Juventude no Desportu (MEJD) no kolabora ho organizasaun no instituisaun sira edukasaun nian. Labarik no kanorin sira, eskola no manorin sira kontinua hetan benefisiu husi implementasaun programa ne'e.



Tuirmai atinjimentu projetu 4 Edukasaun Alola nian implementa iha tinan 2020:

Projetu Bolsa-Estudu Railaran

Projetu Bolsa-Estudu Railaran Alola nian mak atu apoiu kanorin ne'ebé vulnerável husi ensinu baziku to'o universidade iha Timor-Leste. Iha tinan 2020, projetu ne'e administra no apoiu kanorin sira hodi asesu ba edukasaun iha eskola primáriu, sekundáriu, universidade no mós eskola tékniku vokasionál.

Tinan ida ne'e, Bolsa-Estudu hetan fundu husi doadór internasional 20 ne'ebé kompostu husi ajénsia, kompañia, komite amizade no doadór individuál sira. Kanorin 221 (Mane: 147 & Feto: 74) mak hetan bolsa-estudu. Kanorin nain 7 (Mane: 1 & Feto: 6) husi kanorin 221 mak gradua ona ho valór ne'ebé boot husi universidade diferente iha Timor-Leste. Bolsa refere kobre kanorin sira nia osan eskola no alojamentu.



Kanorin feto nain 9 mak apoiu husi Partnership for Human Development (PHD) hodi kontinua sira nia estudu iha universidade iha Dili. Kanorin nain 3 husi sira nain 9 mak gradua ona iha tinan ne'e ho valór ne'ebé boot maibé nain 6 seluk besik ona finaliza estudu no hein ba graduasaun tinan oin.

Atu apoiu kanorin sira nia prosesu aprendizajen di'ak liutan ekipa distribui laptop 12 ba kanorin universitáriu sira (Mane: 6 & Feto: 6) ne'ebé agora dadaun estuda hela iha universidade sira iha Dili. Laptop ne'e fornese husi Friends of Lacluta no Bendigo Maubisse Friendship Committee.

Ekipa bolsa-estudu halao komunikasaun regular ho bolseriu/a sira hodi akompañia sira nia progresu no dezafiu ne'ebé sira enfrenta durante sira-nia estudu. Ekipa ne'e mós viajen ba munisípiu hodi hasoru malu ho bolseiru/a nia inan-aman sira no ko'alia kona-ba sira-nia oan nia progresu estudu liliu kona-ba bainhira atu finaliza sira nia estudu no oinsá ina-aman sira apoiu sira-nia oan durante estudu.

Projetu Formasaun Profesores

Atu apoiu MEJD hodi implementa kurríkulu foun ba ensinu baziku, Akipa Formasaun profesóres Alola halao Programa Apoiu Literasía Intensivu (Sigla Inglés ILSP) iha munisípiu Lautem hanesan parte ida husi programa ALMA (Apoiu Lideransa liuhusi Mentória no Aprendizajen). Objetivu husi programa ILSP ne'e mak atu apoiu manorin, liliu manorin literasía Tetun ba klase 1 no 2 ensinu báziku primeiru siklu, no atu enkoraza eskola tarjetu sira atu uza livru istória no reativa sira nia biblioteka eskola no iha klase laran ba kanorin sira hodi asesu.



Ekipa ILSP Alola nian halao observasaun klase ba klase literasía Tetun. Hafoin observasaun klase, ekipa mós fornese mentoria no komentáriu (Feedback) ba manorin sira bazeia ba sira nia abilidade hanorin tuir planu lisaun no kurríkulu foun ne'ebé dezenvolve ona husi MEJD.

Tinan ida ne'e, ekipa Formasaun profesóres halao programa ILSP iha munisípiu Lautem iha postu

administrativu 4 (Luro, Lautem, Lospalos no Tutuala) ba iha sentru 2 ne'ebé kobre eskola 10 ALMA nian ho totál manorin 23. Ba kada manorin, ekipa ILSP observa sira nia klase dala-rua kada fulan. Favór refere ba tabela tuirmai ba informasaun detailhu:

Alende observa literasía klase Tetun, iha tinan 2020 ekipa formasaun profesores mós serbisu ho líder eskola sira hanesan: Kordenadór eskola, vise kordenadór no manorin sira iha munisípiu Lautem hodi reorganiza no reativa biblioteka ne'ebé durante ne'e estudante sira la asesu efetivamente bazeia ba planu lisaun ne'ebé dezeña ona iha kurríkulu foun.

Eskola ne'ebé ekipa Formasaun Profesores Alola nian apoiu hodi reorganiza no reativa sira nia biblioteka iha eskola mak EBC 1, 2, 3 Odofuru, EBF 1, 2 Pairara, EBF 1, 2 Malahara, EBF 1 Teno, EBF 1, 2, 3 Laikara. Eskola 10 ne'ebé la temi iha leten la iha biblioteka eskola nian ne'ebé ejiste tanba la

Nº	Eskola	Manorin		
		Feto	Mane	Total
1	EBC 1,2,3 Odofuno	0	2	2
2	EBF 1,2,3 Laikara	1	1	2
3	EBF 1,2 Nu 1 Lospalos	4	1	5
4	EBC 1,2,3 Leusari	0	2	1
5	EBF 1 Teno	2	0	2
6	EBF 1,2 Pairara	1	1	2
7	EBF 1,2 Titilar	0	1	1
8	EBF 1,2 Mehara	1	2	3
9	EBF 1,2 Chai	2	1	3
10	EBF Malahara	1	1	2
		Total		23

iha fasilitade, maibé ekipa apoiu eskola sira ne'e hodi kria mini-biblioteka iha eskola-laran. Akipa mós apoiu manorin no kanorin sira durante oras biblioteka nian hodi asesu ba biblioteca no mini-biblioteka bazeia ba planu lisaun.

Ekipa Formasaun Profesores mós administra mentór lokál 32 nia adiantamento husi faze 1 to'o 4, maibé ba faze 6 iha munisípiu Covalima. Alola administra sira nia adiantamento no saláriu mentór lokál nian.

Munisípiu 10 ne'ebé implementa ona programa ALMA nian mak Aileu, Dili, Manatuto, Liquiça, Bobonaro, Baucau, Viqueque, Lautem, Manufahi no Covalima. Iha Covalima no Lautem programa ALMA kobre ona eskola 100% no munisípiu 8 foin kobre 50%.

Projetu Biblioteka Movél

Atu fornese rekursu lee ho atividade divertimento besik ba labarik sira, Alola nia ekipa biblioteka movél vizita komúnidade balu iha Dili no estabelese sentru lee iha komúnidade iha munisípiu Manatuto.



Iha Dili, ho apoiu husi Alola Austrália, labarik 815 (Feto 406 & Mane 409) husi klase I to'o III eskola primária iha komúnidade 5 (Manleuana, Beduku, Fomentu, Casnafar no Camea) asesu ba rekursu lee iha karea biblioteka movél Alola nian. Kada komúnidade ekipa biblioteka ne'e vizita dala ida semana ida durante oras 2, normalmente vizita iha loraik. Durante sesaun lee ekipa asiste labarik sira hodi pratika estratéjia lee, kompetisaun, atividade divertimento oi-oin.

Projetu ne'e implementa liu husi kordenasaun ho MEJD, lider komúnidade, inan-aman no manorin sira. Kolaborasaun ne'e permite ekipa hodi identifika labarik iha komúnidade 5 ne'e hodi partisipa iha atividade biblioteka movél iha Dili no involve inan-aman sira hodi enkoraza labarik sira hodi asesu ba sesaun lee bainhira karea biblioteka movél vizita sira nia komúnidade iha Dili.

Iha parte seluk, atu hasa'eabilidade lee ba labarik sira iha klase ki'ik iha munisípiu Manatuto, ChildFund apoiu ekipa biblioteka movél Alola nian hodi estabelese sentru lee 12 ho filial 6 iha komúnidade iha postu administrativu 3 iha Manatuto (Manatuto Vila, Laclubar no Laclo).





Sesaun lee halao iha loraik hafoin oras eskola remata durante oras 2 no inan-aman no labarik sira iha klase boot (Peer tutors) mak fasilita labarik sira durante sesaun lee.

Antes labarik sira asesu ba sesaun lee, labarik sira ne'ebé ekipa rejistru ona sira nia naran tuir pré-teste ne'ebé halao husi ekipa biblioteka móvel. Ekipa rejistru labarik 1,383 (Mane 768 & Feto 615) iha eskola primária husi klase I to'o III, inklui labarik difisiente nain 2. Tanba restrisaun COVID-19 ne'ebé kanorin sira iha sala ida fahe tiha ba rua ka liu, labarik 1,122 (Mane 608 & Feto 514) mak bele partisipa iha pre-teste. Labarik 622 (Mane 362 & Feto 260) mak konsidera hanesan benefisiáriu ba projetu ne'e iha tinan ida ne'e tanba sira nia valór pré-teste kiik liu 65%. Projetu ne'e sei remata iha tinan oin, tanba ne'e valór pós-teste sei disponível iha fulan Juñu 2021.

Atu fasilita sesaun lee ba labarik sira iha sentru no filiál sira ne'ebé estabelese ona, ekipa biblioteka móvel identifika no fó treinamento ba fasilitadór inan-aman 58 (Mane 12 & Feto 46) no peer tutors 118 (Mane 35 & Feto 83). Treinamentu ne'e foka liu baabilidade fasilita sesaun lee; komprende kona-ba abuzu no salvaguarda labarik no prevensaun esplorasaun seksuál, asaltu no asediu; no prevensaun COVID-19. Inan-aman no peer tutors sira nia koñesimentu aumenta hafoin partisipa iha treinamentu refere tanba sira tuir teste antes no hafoin treinamentu.

Projetu Pre-Eskolár Komunitaria

Programa Edukasaun Alola nian estabelese Pré-eskolár Komunitaria (PEK) iha tinan 2016 ba labarik tinan 3 to'o 5 iha área remota sira iha munisípiu Ermera no Viqueque. PEK sentru 37 baze iha komúnidade (Iha komúnidade nia uma) no sentru 67 baze iha eskola ne'ebé halao iha postu administrativu 7 iha munisípiu 2 ne'e (Ermera: Railaco, Gleno, Letefoho, Atsabe & Hatulia; & Viqueque: Uatulari & Ossu)





Atu dezenvolve padraun infraestrutura PEK, tinan kotuk Alola kontinua kolabora ho UNICEF hodi konstrui PEK 4 liuhusi mobilizasaun komúnidade no iha konsultór konstrusaun UNICEF nia okos no Alola-nia Ofisiál Terrenu hodi monitoriza efetividade no kualidade serbisu. Konstrusaun PEK 2 iha Ermera (Biliubu no Titibuti) no PEK 2 iha Viqueque (Nahareka no Uaicai) atinji ona 75% no atu finaliza iha inísiu tinan 2021. Iha parte seluk, liuhusi kolaborasaun ne'e Alola apoiu ona komúnidade 10 husi 13 hodi finaliza parke-infantil (Outdoor play área) (7 iha Ermera no 6 iha Viqueque).

Ba tinan 2021, PEK sei foka liu ba kontinuasaun treinamentu ba manorin sira kona-ba prosesu aprendizajen no halao treinamentu edukasaun ba inanaman. Iha parte seluk, ba PEK nia sustentabilidade Alola sei kolabora ho UNICEF hodi dezenvolve relasaun forte entre PEK no MEJD.

Tinan ida ne'e, kanorin 3251 (Mane 1690 & Feto 1561) mak rejistru iha PEK 104 iha munisípiu 2 ne'e. Manorin treinadu nain 199 mak hanorin kanorin sira no kanorin sira partisipa aprendizajen iha sala-laran durante oras 9 kada semana. Manorin sira treinadu no komprometedu atu fornese ambiente aprendizajen ne'ebé animadu hodi enkoraza labarik sira nia potensia hodi susesu, no apoiu dezenvolvimentu kreatividade pozitivu naturál, rezolve problema no independénsia.

Projetu PEK apoiu husi Embaixada Nova Zelandia liuhusi UNICEF Timor-Leste. Kada PEK estabelese ho kolaborasaun ho Komisaun Jestaun Eskola (KJE), manorin, inan-aman no lider komúnidade sira. Totál membru KJE 150 (Membru 89 husi Ermera no membru 61 husi Viqueque) treinadu ona kona-ba oinsá atu hametin grupu komúnidade no KJE atu apoiu no jere sentru PEK sira.

Munisipiu	Dadus Pre-Eskolár Komunitaria (PEK) Tinan 2020									
	Eskola		K ne'ebé Rejistru		K ne'ebé P JI I-S		K Graduadu		Fasilitadór	
	BK	BE	M	F	M	F	M	F	M	F
Ermera	21	37	1049	960	753	648	296	312	31	80
Viqueque	16	30	641	601	416	342	225	259	13	75
Total	104		3251		2159		1092		199	

BK: Baze iha Komúnidade | BE: Baze iha Eskola | K: Kanonin | P JI I-S: Pasa husi Jardín Infansia Inferior ba Superior.



PROGRAMA HAKBI'IT EKONOMIKU

Alola nia Programa Hakbi'it Ekonomia ho objetivu atu hametin partisipasaun ekonómika feto sira nian hodi hadi'a estatutu feto nian, hasa'e oportunidade sira atu hetan rendimentu no promove independénsia ekonómika. Durante tinan 2020, projetu sira ne'e foka liu ba impaktu másimu ba atividade integrasaun, dezenvolvimentu artezanatu, no prezervasaun patrimóniu kulturál. Tuir mai rezultadu detallhu husi projetu sira:

FÓ IMPAKTU DÓBRU: >>>>>>>>>>>>>>>>>>>>>>>>>>>>>

Hasae mikro-kréeditu ba subsistência buka-moris, no sustenta apoio lidera husi komunidade ba inan no bebe sira ne'ebé isoladu



Alola continua integra atividade sira kona-ba Hakbiit Ekónomia no Saúde Inan no Oan (SIO) durante tinan 2020. Ekipa SIO mobiliza komunidade voluntáriu sira atu harii grupu Suku Hadomi Inan no Oan (SHIO) iha nível suku. Antes ne'e, ekipa SIO suporta grupu SHIO iha munisípiu Aileu, Ainaro no Liquiça ho fundus kiik atu hahú eskema rai no empresta osan ka mikro-kréeditu. Membru sira bele hetan empréstimo husi grupu ba halo negósiu kiik ida iha sira nia suku no selu fali ho funan kiik ba grupu SHIO. Funan ne'e rai hela atu aluga transporte lokál no selu combustível bainhira pasiente sira presiza liului ba inan sira atu parti iha facilidade saúde.

Ekipa Hakbiit Ekónomia fornese apoio no mentorizasaun ba grupu SHIO sanulu resin lima ne'ebé continua halo eskema rai no empresta osan. Monitorizasaun ho membru SHIO no líder lokál sira relata katak atividade mikro-kréeditu ajuda hadia povu nia moris no rendimento média aumenta ba 20% kada grupu.

Negósiu no apoio sosiál ba emprezáriu feto sira iha Timor-Leste (BEST)

Projetu ida seluk ne'ebé integra mak negósiu no apoio sosiál ba emprezáriu feto sira iha Timor-Leste (BEST), ne'ebé hahú iha tinan 2020 husi Fundasaun Grameen (EUA). Alola programa Hakbiit Ekonomia mak sai nu'udar koordenadora projetu iha Timor-Leste, envolve ONG sira seluk ne'ebé involve iha projetu Hakbiit Ekonomia Feto nian, instituisaun mikrofinansas sira (IMF), no servisu apoiu legál no seluk tan ba feto sira ne'ebé esperiênsia violénsia.



Projetu ne'e integra feto sira-nia atividade hakbiit ekonomia ho mitigasaun risku ba violénsia bazeia ba jéneru (VBJ). Ida-ne'e responde ba dezafiu sosiál, ekónomicu, no regulatóriu kombinado ne'ebé prevene feto sira atu hahú, mantein no habelar negósiu sira ho susesu. Tanba pandemia COVID-19 no Estadu Emerjénsia, bandu ona atividade pública sira husi fulan-Marsu tinan 2020.

Komunikasaun projeto ne'e kontinua hala'o sorumutuk liuhusi skype, telekonferénsia no mensajen testu, maibé atividade pública sira tenke adia. Iha fulan Jullu, Fundasaun Alola ho apoiu hosi Konsultór Fundasaun Grameen iha Timor-Leste, halao diskusaun grupu fokus no entrevista iha munisípiu Maliana, Covalima no Dili hodi identifika bareira ne'ebé emprezáriu feto sira enfrenta hodi asesu ba finansiamentu, servisu dezenvolvimentu negósiu no VBJ no apoiu sosiál sira seluk. Partisipante sira inklui feto no mane, asosiasaun feto emprezária, feto negósiante, IMF no servisu apoiu ba violénsia bazeia ba jéneru. Iha fulan Outubru ekipa Hakbiit Ekonomia negóśia planu ligasaun ida hodi liga servisu lokál atu responde hamutuk ba nesesidades emprezárius feto sira nian.

Fundasaun Alola no IMF Moris Rasik halao treinamentu piloto durante loron 1 kona-ba edukasaun emprezariál, literasia finanseira, dixiplina empréstimu no empréstimu espesiál ba feto emprezáriá sira hamutuk nain 27 iha Likisá. Ekipa

projetu BEST mós fornese treinamentu kona-ba jéneru no dinámika podér no kolókiu planu ligasaun loron rua iha Dili, ne'ebé partisipa hosi reprezentante 18 hosi Alola no ONG sira-seluk nomós IMF rua iha Dezembru 2020. Projetu ne 'e kontinua iha tinan 2021.



Prezerva Identidade Kulturál Orijinál Timor-leste Nian No Apoia Feto Sira-nia Moris

Projetu ida ne'e hakbiit feto sira atu kontribui ba ekonomia no kulturálmente ba sira-nia família, komúnidade no nasau nia moris-di'ak, bainhira sira prepara atu fahe rekursu kulturál Timor-Leste nian ho turista internasional sira. Projetu ne'e ninia objetivu mak atu proteje no prezerva patrimóniu kulturál Timor nian, liuhosi dezenvolve oferta merkadu turizmu internasional ho kualidade tais ne'ebé aas hanesan produtu ida ne'ebé simboliza patrimóniu kulturál Timor-Leste nian. Atividade prinsipál tolou ne'ebé mak realiza; dahuluk feto pratika produtu soru tais ho kualidade di'ak; daruak dezenvolvimentu produtu no diversifikasiasaun; no ikus liu mak formasaun ba kapasidade negósiu nian. Reprezentante soru-nain 50 inklui feto foin-sa'e no ferik sira, husi grupu soru tais lima iha Dili laran mak partisipa iha projetu ne'e. Ho apoiu husi USAID Turizmu ba Ema Hotu, Fundasaun Alola bele fornese ba grupu lima ho ekipamento hanesan mákina suku, mákina obras no material seluk tan atu nune'e grupu sira bele dezenvolve sira nia produtu turizmu iha uma laran no hadia sira nia situasaun ekónómia.



Feto Badaen Liman Iha Rurál Hadi'ak Sira-Nia Produsaun Artesanatu No Asesu Ba Merkadu

Projetu ne'e hasae feto rurál sira nian moris liuhosi dezenvolvimentu indústria artesanatu. Iha tinan 2020, Fundasaun Alola halo ona esforsu signifikativu hodi hadi'ak padraun moris ba feto sira iha área remota sira liuhosi programa Hakbiit Ekónomia. Inisiativa ida ne'e atu masimiza feto sira nian partisipasaun iha oportunidade ekonómika no hetan benefísiu. Durante tinan ne'e, pandemia COVID-19 prejudika turista sira mai vizita iha Timor-Leste no afeta ekonómia monu iha nasau laran tomak.



Maski nune'e, Fundasaun Alola kontinua luta atu realiza atividade oioin inklui iha projetu ne'e nia okos. Iha Dezembru, halao kolókiu loron ida no hafoin merkadu fin de semana ba - Feira Natal Alola nia. Hanesan bai-bain, iha inisiu fulan Dezembru antes feira, ekipa Hakbiit Ekónomia organiza kolókiu loron ida iha Dili hodi fasilita partisipante foun sira ho

informasaun kona-ba kualidade produtu noabilidade negósiu nian. Iha okaziaun ne'e, Fundasaun Alola konvida ONG Mercy Corps atu fahe sira-nia koñesimentu kona-ba resiklajen plástiku atu nune'e partisipante sira bele hetan ideia foun no ihaabilidade ba diversidade produtu. Ekipa Hakbiit Ekónomia mós fornese informasaun kona-ba oinsá oferese produtu ho kualidade ba cliente sira, oinsá simu cliente sira, apresentasaun kona-ba stand no oinsá hatudu produtu iha barraka. Partisipante sira ne'ebé partisipa iha kolókiu ne'e hamutuk ema nain 17 mai hosi munisípiu Oe-cusse, Bobonaro, Covalima no Lospalos.

Feira Natal ne'e fó oportunidade ba grupu artesanatu 63 husi munisípiu 11 hodi hatudu sira nia produtu. Benefisiáriu sira (estimadu 1,260) ne'ebé hetan rendimentu durante merkadu loron rua nian ho valór USD 6,426.00. Merkadu ne'e fó benefísiu mútua ba baden liman no kompradór sira atu halo interasaun ba malu kona-ba prosesu produsaun, aprende valór kulturál no fa'an sasán. Produtu hirak ne'ebé hatudu ne'e variadu mak hanesan tais, selendang, ceramika, boneka, asesories feto nian, sabaun lokál, mina nuu virjin, ai-moruk tradisionál no ai-han lokál.



Rede Soru Nain – Kompartilla Estratéjia Sira Kona-Ba Empoderamentu, Propriedade No Lideransa

Projetu konjuntu ida ne'e husi Timor Aid no Alola (TAFA) kria rede feto soru nian iha kada munisípiu foun rua mak Lautem no Bobonaro. Rede ne'e hasa'e soru nain sira nia lian no fasilita oportunidade ba hasae kapasidade no asesu ba merkadu foun.

Rede foun rua ne'e aumenta tan rede sira ne'ebé uluk kria ona iha Covalima no Oecusse, ne'ebé dezenvolve mós liuhusi kolaborasaun husi UN Women no TAFA. Tuir rekomendasaun husi kolókúi Nasional Tais ne'ebé lidera husi Sekretária Estadu Arte no Kultura (SEAC), iha fulan-Abril tinan 2019, no peskiza konsultór UN Women nian iha tinan 2017.



Durante tinan 2020, ekipa TAFA serbisu hamutuk ho rede haat ne'e atu identifika no apoia ba nesesidade formasaun soru sira nian. Soru nain sira ne'e hetan benefisiu hosi advokasia, kapasitasau kona-ba abilidade lideransa, hasae kualidade tais no treinamento diversifikasiadu produtu. Feto nain 100, inklui feto foin-sae sira, hetan benefisiu hosi atividade hirak ne'e hodi hakbiit feto sira no sustenta tradisaun soru tais Timor nian.



PROGRAMA ADVOKASIA

Iha tinan 2020 Programa Advokasia Fundasaun Alola foku liu ba iha Haforsa Feto nia Lian no Empoderamentu feto. Relasiona ho ida ne'e atu responde ba iha Estadu Emerjénsia relasiona ho propagasaun surtu COVID-19 ne'ebé estadu Timor-Leste aplika iha fulan Marsu 2020, Fundasaun Alola halo advokasia ba governu no ema hirak ne'ebé iha podér foti desizaun atu asegura feto no grupu vulnerável sira inklui iha desizaun orsamentu no rekoperasaun ekonómika, protesaun vítima violénsia bazeia bajéneru, no asuntu nesesariu sira seluk.

Advokasia ida ne'ebé mak susesu presiza kometimentu ba tempu naruk no relasiona ho ida ne'e Hafoin tinan 8 nia laran Fundasaun Alola halo advokasia ba asuntu fila hikas ba eskola, ikus mai iha tinan ida ne'e, Ministériu Edukasaun prepara ona Polítika Fila Hikas ba Eskola hodi permite joven feto sira ne'ebé sai husi eskola tanba isin-rua atu bele fila hikas ba eskola hodi kontinua sira nia estudu atu kompleta sira-nia edukasaun. Kestaun ida-nee iha inisiu levanta hosi ativista feto foin-sa'e sira iha tinan 2013 liu husi Alola ninia grupu Feto Foin-sae ne'ebé hanaran Grupu Feto Foin-sa'e Halo Mudansa ne'ebé mak preokupa kona-ba feto foin-sa'e sira tenke termina sira nia edukasaun iha eskola wainhira sira isin-rua no sei laiha dalan ba sira atu fila hikas ba eskola. Maibé ikus mai possibilidade atu foin-sa'e feto estudante sira ne'ebé hetan isin-rua bele fila hikas ba eskola depois períodu lisensa maternidade nian ne'ebé mak bele ona atu realiza.

Kompromisu longu prazu ida tan ne'ebé mak Fundasaun Alola involve mak inklui kona-ba estabelesementu Komisaun Luta Anti-Tráfiku Umanu (KLATU) ne'ebé mak apresenta ona ba iha Konsellu Ministru iha tinan 2020 no hein hela aprovasaun husi Governo Timor-Leste. Ida ne'e hanesan parte importante ida husi implementasaun Lei Kontra Tráfiku Umanu, ne'ebé mak promulga ona iha tinan 2017.

Alende ne'e, iha tinan ida ne'e, Fundasaun Alola halo monitorizasaun ba implementasaun ba iha Deklarasaun Maubessi - Setór Saúde, ne'ebé hetan pedidu husi Rede Feto Timor-Leste. Nu'udar rezultadu, rekomendasaun hirak ne'ebé mak hamosu husi monitorizasaun ida ne'e hato'o ona ba Ministério de Saúde.



Iha parte seluk, iha tinan ida ne'e mós Fundasaun Alola halo lansamentu ba relatório peskiza foun rua kona-ba feto nia lideransa: Persepsaun Públiku kona-ba Lideransa Feto iha Timor-Leste (disponivel iha Inglés no Tetun), no Jornada Partisipasaun Feto iha Lideransa. Lansamentu ne'e realiza durante Enkontru Jerál Anúal Fundasaun Alola nian ne'ebé akompaña mós ho espozisaun fotografia hosi líder feto sira ne'ebé reprezenta diversidade papél lideransa, religiozu, idade no seksualidade.

Ikus liu, iha rohan husi tinan ida ne'e, atividade adisionál ida tan ne'ebé mak hala'o husi programa Advokasia mak kontribui ba aliasaun finál husi implementasaun projeto WAVE (Women Action for Voice and Empowerment) ne'ebé mak kompleta ona nia implementasaun durante tinan 5 iha Timor-Leste.



Sub-Programa Sentru Rekursu ba Feto (SRF)

Iha nível nasional, Sentru Rekursu ba Feto continua fó oportunidade ba joven feto no mane sira atu asesu ba komputadór, internet no biblioteka; konvoka diskusaun mensal kona-ba asuntu jéneru (hanesan violénsia bazeia ba jéneru, saúde reprodutiva, tráfiku umanu, Konvensaun CEDAW, no Orsamentu Sensivel ba Jéneru); formasaun kona-ba lideransa no maneira ko'alia iha públiku no promoveabilidade moris hanesan hakerek Karta Aplikasaun Serbisu (CV), oportunidade bolsa-estudu, prevensaun isin rua sedu no risku ba droga no tua/alcohol.



Sentru Rekursu ba Feto nia atinjimentu hamutuk ema na'in 2316 (F: 1394 no M: 922), mai husi estudante, manorin, membru konsellu suku, autoridade lokál, parseiru no grupu vulnerável sira. Aleinde ne'e apoia mós vítima violénsia bazeia ba jéneru hamutuk 70 hodi asesu ba justisa legal, uma-mahon, fó akonselamentu no oferece pakote umanitáriu ba vitima violensia bazeia ba jéneru nu'udar pakote ida husi asuntu ne'e.

Sentru Rekursu ba Feto mós lidera enkontru regulár Grupu Traballu Advokasia ne'ebé foka liu ba violénsia bazeia ba jéneru. Grupu ne'e reprezentante husi sosiedade sivil ne'ebé servisu ba direitus umanus no reprezentante husi governu.

Atu hatan ba relatórioi husi media sosial kona-ba kazu infantisídu ne'ebé mak kontinua aumenta iha Dili, Fundasaun Alola hamutuk ho Grupu Traballu Advokasia halo ona advokasia ba asuntu refere no Sentru Rekursu Feto prepara ona deklarasaun ida ba prevensaun infantisídu no incestu (rekoñese katak incestu nu'udar kauza ida husi isin-rua ne'ebé subar hela no infantisídu, atu proteje arguidu). Asaun advokasia ba kazu ne'e dirije ba Presidente Autoridade Munisípiu Dili, Administradór Postu Administrativu 6 no Xefe Suku 32. Asaun ida ne'e, haforsa liu tan Fundasaun Alola ninia kolaborasaun ho parseiru sira iha nível nasional no munisípiu, liului ho lider mane sira hodi promove igualdade jéneru iha nível lokál. Hafoin ida ne'e, Grupo Mulheres Parlamentares Timor-Leste (GMPTL) prepara ona lei ida atu hodi hatán ba iha kazu infantisídu ne'ebé mak kontinua aumenta ba bebeik.



Numeru Benifisiariu SENTRU REKURSU BA FETO (SRF)	
Feto	1394
Mane	922
TOTAL	2316

Istória Susesu

Iha tinan 2020, Movimentu Komúnidade Foin-sa'e identifika ona vítima violénsia seksuál nian ida ho idade tinan 13 (insestu) iha munisípiu Manatuto. Grupu ne' e atua kedas lezada ne'e maibé lezada rasik lakohi ko'alia tanba hetan ameasa hosi arguidu. Representante grupu ne' e kontinua fó apoiu, maibé família nunka halo intervensaun no sira mós ameasa labarik ne' e. Nune' e grupu refere alerta ba Polisia Unidade ba Ema Vulnerável sira (VPU) ba situasaun ne'e no Fundasaun Alola fornese assisténsia ba labarik no informa ba VPU kona-ba uma mahon ida iha Dili. Vítima ne' e agora iha situasaun seguru no partus ona oan feto ida. Alola kontinua halo monitorizaun ba nia situasaun ne'e no suspeitu sei iha prosesu justisa formál.



Sub Programa Suporta Munisípiu (DSP)

Susesu importante ida husi Timor-Leste iha tinan 2020 maka prevensaun transmisaun COVID-19 ba komúnidade. Relaciona ho asuntu ne'e, Ofisiál Terenu Fundasaun Alola nian iha kada munisípiu halo ona tradusaun ba informasaun kona-ba meus prevensaun virus Covid-19 nian ba iha lian lokál hodi transmiti iha radio komúnidade sira iha munisípiu 12 inklui RAEOA. Aleinde ne'e, ekipa fornese ona pakote umanitáriu ba 240 familia vulnerável ne'ebé mak kompostu husi feto faluk, feto abandonado, ema ho defisiensia, ferik no katuas (idozu) no familia kbi'it laek sira iha suku 24 mak iha munisípiu 12 nia laran.

Atu haforsa lian feto iha área ruráis, Projetu Suporta Distritu (DSP) konvoka ona Forum Sidadania ba suku 24 iha munisípiu 12 inklui RAEOA. Forum Sidadania ne'e lidera husi kandidatura feto potensiál ba Eleisaun Munisípiu, ne'ebé hetan apoiu husi Ofisiál Terenu Fundasaun Alola nian. Forum ida ne' e hanesan atividade importante ida ne'ebé úniku iha Timor-Leste tanba bele fó oportunidade ba komúnidade sira iha área rurais atu hato'o sira nia problema lokál ne'ebé mak sira hasoru nomós ba kandidatura feto potensiál sira atu halo advokasia ba solusaun sira husi problema hirak ne'e ba iha autoridade no instituisaun relevante sira. Problema hirak ne'e mak problema sira relaciona ho edukasaun, saúde, agrikultura, ekonómia, eletrisidade, estrada no violénsia. Aleinde ne'e, kandidatura



Numeru Benifisiariu
Sub Programa Suporta Munisípiu
Feto 2213
Mane 409
TOTAL 2,622

feto potensiál sira ne'e mós partisipa iha programa dada-lia iha radio komúnidade iha kada munisípiu hodi ko'alia kona-ba rezultadu encontro ne'e.

Aumenta tan, iha tinan ida ne'e, programa ne'e kontinua realiza diálogu entre kandidatura feto no Grupo Mulheres Parlamentaria Timor-Leste (GMPTL). Atividade ida ne'e hahu ona iha tinan 2019 no kontinua nafatin iha tinan 2020 tanba grupu feto rua ne'e nota katak atividade ne'e benefisia duni grupu rua ne'e.

Alende ne'e, Iha Hatubiliko, Munisípiu Ainaro, grupu feto lokál hamutuk 5 mak simu ona treinamentu kona-ba lideransa no nutrisaun bazeia ba produtu agrikultura lokál. Grupu hirak ne'e mós simu subsídu hodi hahu halo negósiu (restaurante no kios), nomós hahu rai osan no empresta ba membru sira.

Total beneficiariu husi atividades Projéitu Suporta Distritu nian hamutuk 2,622 (F: 2213 & M: 409), mai husi parseiru, autoridade lokál, membru konsellu suco, kandidatura feto sira potensiál, asosiasaun feto, grupu vulnerável sira no vítima husi violénsia bazeia ba jéneru.

Istória Susesu



Istória susesu Husi Filomena do Santos, nudar Xefe Aldeia Leopa, Suco Dato, munisípiu Likisá.

Estatuto: inan ba oan nain 5 (divórsiu) no eleitu ba períodu :2016-2023.

Hau involve iha vida política desde 2013. Iha inísiu hau ativu tebes iha atividade sira hanesan treinamentu Lideransa ne'ebé fornese husi Fundasaun Alola no Rede Feto, nomós atividade sosiál sira iha Suco Likisá no Leopa. Hau sempre aprende husi feto seluk, hanesan sira ko'alia iha públiku, hau sempre observa sira no espera katak loron ida hau sei ko'alia iha públiku. Aleinde ne'e hau lidera enkontru informal no lee jornal tanba hau hanoin susar tebes atu kompete ho mane sira, nune'e hau presiza hasae hau nia kapasidade no esperiénsia. Esperiénsia hirak ne 'e motiva ha'u atu kompete iha eleisaun suco tinan 2016 no ha'u sente orgullu tanba eleitu nu'udar xefe aldeia. Hafoin eleisaun, ha'u hahú servisu atu dezeña planu hamutuk ho membru konsellu suco no ami foti feto no labarik sira-nia

asuntu prioridade sira. Liu husi reuniaun konsellu suco nian, ha'u iha oportunidade atu partisipa iha prosesu foti desizaun. Hau kontente tebes katak hau-nia mehi sai loos duni.



Maibé ha'u-nia jornada karreira ne'e, hau tenke buka solusaun ida tanba ha'u-nia kabem (la'en) nunka apoia ha'u-nia kareira no haruka ha'u atu hapara servisu. Ami hasoru malu ho família maibé la iha solusaun. Nune'e ha'u diskute kona-ba asuntu ne'e ba ha'u-nia oan sira no sira dehan katak ne'e depende ba ha'u-nia hanoin. Tamba ne'e ha'u deside atu soe malu (divorsiu). Agora ha'u sei servisu hela no tau matan ba ha'u nia oan sira. Ha'u kontente tebes tamba ha'u hetan suporta husi ha'u nia oan no kolega sira.



RELATÓRIU FINANSIÁL ALOLA 2020

INCOME STATEMENT FOR THE YEAR ENDED 31 DECEMBER 2020

	Note	2019	2020
		\$	\$
Revenue	2	1,392,400.73	1,810,530.60
Other revenue		256,032.92	258,016.63
Administration expenses		- 621,743.97	- 579,013.19
Project costs		-1,009,080.38	- 1,278,640.67
Surplus/(deficit) after income tax		17,609.30	210,893.37
 Note 2: Revenue			
 Revenue from Government and Other Grants			
Grants & project income		1,243,059.83	1,229,546.88
Donations		305,404.73	655,083.54
Education grant		46,231.61	72,685.24
Other income		455,614.42	657,909.86
Carry Forward from Prior Year		- 657,909.86	- 804,694.92
Carry Forward to Next Year		1,392,400.73	1,810,530.60
 Other Revenue			
Sales		0	0
 Total Revenue		1,392,400.73	1,810,530.60



BALANCE SHEET AS AT 31 DECEMBER 2020

	2019	2020
ASSETS	\$	\$
CURRENT ASSETS		
Cash and cash equivalents	1,013,917.91	919,731.88
Operational advances	13,949.01	273,756.75
Trade and other receivables	1,027,866.92	1,193,488.63
TOTAL CURRENT ASSETS		
NON-CURRENT ASSETS		
Property, plant and equipment	99,900.55	297,998.35
TOTAL NON-CURRENT ASSETS	99,900.55	297,998.35
TOTAL ASSETS	1,127,767.47	1,491,486.98
CURRENT LIABILITIES		
Trade and other payables	674,379.55	824,952.00
Employee provisions	35,495.35	37,749.04
TOTAL CURRENT LIABILITIES	709,874.90	862,701.04
TOTAL NON-CURRENT LIABILITIES		
TOTAL LIABILITIES	709,874.90	862,701.04
NET ASSETS	417,892.57	628,785.94
EQUITY		
Funds available for future use	417,892.57	628,785.94
TOTAL EQUITY	417,892.57	628,785.94

SUMARIU RELATÓRIU HUSI AUDITÓR INDEPENDENTE

BA MEMBRU FUNDASAUN ALOLA SIRA,

Ami halo tiha ona audit ba Fundasaun Alola ho ninia relatório finansial aneksu ba períodu 1 Janeiru to'o iha 31 Dezembru 2020.

Responsabilidade Jestor ba relatório Finanseiru

Jestor kompaňia sira responsável ba perparasaun no apresenta relatório Finanseiru nian tuir padraun Internasional Finanseiru Relatório Sira ("IFRS"). Responsabilidade hirak ne'e inklui dezenha, implementa no mantein kontrolu interna, nu'udar jestor ne'ebé determina nesesidade sira atu bele prepara deklarasau finanseira ne'ebé livre husi apresentasaun deklarasau ne'ebé lalos, fraude ka erro; halo selesaun no aplika politka kontabilidade ne'ebé apropiadu; no halo estimasaun kontabilidade iha sirkumstansia sira ne'ebé razoavel.

Responsabilidade husi Auditor

Ami nia responsabilidade mak atu espresa opiniaun ida kona-ba relatório finansiál baseia-ba ami nia audit. Ami halo audit ne'e tuir Padraun Internasional Auditória nian. Padraun Auditória hirak ne'e ejiji ami atu kumpru rekejitus etiku sira no planu no realiza audit hodi hetan rezultadu ne'ebé razuavel kona-ba deklarasau finanseira, akompana ho notas sira ne'ebé livre husi deklarasau falla sira.

Auditória ida-ne'e inklui realiza prosedura sira atu evidénsia kona-ba montante no divulgasaun iha deklarasau finanseira sira. Audit ida ne'e inklui avalia utilizasaun política kontabilidade ho adekuadu no razaun sira ba estimasaun kontabilidade ne'ebé halo husi jestaun, nune'e mós avalia apresentasaun deklarasau finanseira en-jerál. Ami fiar katak ami-nia auditoria fornese opiniaun ne'ebé razuavel no suficiente.

Opiniaun Auditór

Hau nia opiniaun, deklarasau finanseira nian ne'ebé apresenta mak justu, aspeitu materiais hotu inklui pozisaun finanseiru Fundasaun Alola nian to'o 31 Dezembru 2020 no dezempenhu finansas ida-idak ba tinan tomak to'o remata tuir padraun internasional kona-ba relatório finanseiru nian no en-jeral tuir prinsipiu kontabilidade ne'ebé aseita iha Timor-Leste. Detalhadu kona-ba deskobreta no rekomendasau sira fornese ketak iha ami nia Relatório Auditoria kona-ba deskobreta refere.

Kompánia nia naran: LEO, Unipessoal Lda



Moises Maria do Rego Leao, MBA

Registered Accountant No. 14125

Palapaso, Dili, Timor-Leste

Data: Fevereiro 25, 2021



KONSELLU DIRETORIA FUNDASAUN ALOLA IHA 2020

Sra. Dr. KIRSTY SWORD GUSMÃO AO (Prezidenti)

Eis Primeira Dama Timor-Leste; Fundadóra no Prezidenti Konsellu Fundasaun Alola, Fundadóra no Patronu Dili Institute of Technology (DIT), Fundadóra Xanana Gusmao Reading Room (XGRR), Prezidenti ba Komite Konsultivu Diretor Nasional Linguística, Andrew McNaughton Trust, Patronu ba Blair Forster Memorial Trust, Embaixadora Boa Vontade ba Edukasaun, Timor-Leste

Sra. CEDALIZA SANTOS - *Eis Sekretária Jerál Parlamentu Nasional Timor-Leste no Eis Sekretária Ezekutivu nomós Xefe Departamentu Administrativu no Finansas ba UNESCO.*

Sra. ANTONIA CARMEN DA CRUZ - *Diretora Sentru Solidaridade Municipiu Liquiça, Ministériu Sosiál Solidaridade, Timor-Leste.*

Sra. MARIA GOROMALI BARRETO - *Memberu Parlamentu Nasional, Eis Komisária Direito Labarik Timor-Leste no Eis Diretora organizaun FOKUPERS.*

Sra. MARIA DOMINGAS ALVES - *Komisária Komisaun Funsaun Pública, Prezidente Spesiál Olympiku Timor-leste, eis Ministra Solidaridade Sosiál Timor-Leste no Fundadora Organizaun FOKUPERS.*

Sra. ZEENAT AWAN ALUWIHARA - *Emprezaria no Diretora East Timor Trading*

Sra. BÁRBARA NAZARETH DE OLIVEIRA - *Advogada Jurídico Social (JU,S)*

Sra. DIRCE MARIA SOARES - *Diretora Institutu Nasional de Saúde (INS)-MdS, eis Xefe Departamentu Nutrisaun MdS.*

FUNGSIONARIUS ALOLA IHA 2020



Obrigado Barak Ba Funzionarius Hotu Ninja Servisu Maka'as No Komitmentu

CHIEF EXECUTIVE OFFICER

Maria Imaculada Guterres

GESTOR PROGRAMA

Adalziza Dias Ximenes
Cristina Santos Martins
Ema Freitas de Sousa (Jan - Aug 2020)
Agueda C. Freitas (Aug-Sept 2020)
Jacob R.F. de Sousa (Oct- Dec 2020)
Jose Sabino Ximenes
Maria Evelina Iman
Jesuina Maria Boavida Ximenes

PROGRAMA MCH

Adalgisa Menezes
Albertina de Rosa
Alberto Brites
Amelia Amaral
Beatris Ximenes
Baptista Camanhas
Celestina F. de Oliveira

Gina Maria Santa
Joao Hornay
Jaquelina Sarmento
Jasinta Nene Saleh Alkatiri de A.
Justina Pereira
Ligia Madeira F. S. M Belo
Liliana Pires
Livia Tavares
Lizetti Moura
Luiza Meluiza
Mafalda da Cruz
Moises da Silva
Neneng Alkatiri
Pasquela Soares
Pascoela Barreto

PROGRAMA EDUKASAUN

Abilio Luciano Guterres (Jan-Oct 2020)
Abrao Jose de Jesus
Agusto da Cruz
Aqruiiminio da Silva

Carlos Sarmento
Carmelita Do Rego
Dulce pereira Lopes
Elio Mascarenhas (Jan. – Oct 2020)
Fortunato de Deus
Hernanio da Cruz
Henriques Obe
Joanina Candida
Joanita de Oliveira
Joanina da Silva Pires
Juliana Barreto
Joao da Costa
Lucena Allen
Marcal Ramos Gomes
Maria da Rosa
Nuni M. Nobre
Romeo Ximenes
Rosita dos Santos
Sofia Camoes Pereira (Jan-Oct 2020)
Triponio Verdial
Venezuela de Sousa



PROGRAMA ADVOKASIA

Apolonia Maria da Costa
Agustinha Fraga
Bendita Maria Jose
Bendita Mendonca Barreto
Cristalina de Jesus P. Guterres
Georgina da Costa Ximenes
Francisco Guterres
Joana dos Santos
Joanina da Costa
Jacinta da Cruz
Josefina Q. Pereira
Juventina Sequeira
Luciana Guterres
Maria do R. da Silva Monteiro
Marquelina Pereira.
Manuela Soares Brites
Paulina Asis Belo

HAKBI'IT ECONOMIA

Ilda Maria da Cruz
Mario Barreto
Maria Lurdes G Fereira

MEDIA

Fransiskus Xaverius S.

REKURSU UMANU

Elisita Roserio

FINANSA

Julio Hornay
Rosalina Olo

SUPPORTA PROGRAMA

Abrao L.Fraga (Jan-Sept 2020)
Adelio Batu Mali
Alfonso Ama Boko
Bernardino Guterres S. Vieira
Celestina de Oliveira Sousa
Domingas Varela
Domingos Marques
Domingos da Silva
Eugenio Mesquita
Filomena Paicheco
Geronimo Gama
Helena Vieira

Henrique Hornay

Immanuel Skera
Isabela Boavida Coelho
Margarida Sarmento
Marito Gomes Lopes
Manuel Sarmento
Joao Bosco
Juliana de Carvalho
Luis Espirito Santo da Costa
Pascoal Martins
Paulino Ximenes
Paulo de Jesus Carvalho
Paulo Rosario (Jan-Sept 2020)
Thomas Maria Belo (Jan-Sept 2020)

2020 LISTA DOADOR

OBRIGADA / O BARAK

Hodi Feto Timor-Leste nia naran ami hakarak hato'o ami nia agradese ba ami nia doadores no parseiru, ba suporta dedikasaun no jenerosidade tomak iha 2020, ne'ebe haforsa ami implementa programa ba ami nia komunidade.

ADVOKASIA :

IWDA - *International Women's Development Agency*
Alola Australia
BMETS - Blue Mountain East-Timor Sisters
Timor Telecom

SAUDE INAN NO OAN :

Child Fund Australia through Child Fund Timor-Leste
SANTOS
Woodside
Alola Australia
BMETS -Blue Mountain East-Timor Sisters
UNICEF
Australian Embassy support trough Partnership
Human Development (PHD)
HALIKU Individual donor

HAKBI'IT EKONOMIA :

USAID Tourism for All
Rotary Club of Kew
Alola Australia
Woodside
Thai Embassy Timor-Leste
Grameen Foundation
Impact Traveler
UN Women
Tax Campaign Australia

EDUKASAUN :

Australian Embassy support trough Partnership
Human Development (PHD)
UNICEF
ChildFund Australia trough ChildFund Timor-Leste
Alola Australia
Individual donor

LISTA DOADOR IHA 2020



Partnership for
Human Development
AUSTRALIA TIMOR-LESTE



Santos



Rotary
Club of Kaili







FUNDASAUN ALOLA

Avenida Bispo de Medeiros,
Mascarenhas, Dili, Timor-Leste
PO Box 3, Dili, Timor-Leste via Darwin, Australia

(+670) 332 3855 

info@alolafoundation.org 

fundasaun.alola 

alolafoundation 

www.alolafoundation.org 

G.
Tais - Lafek